



Aqqaluaq B Egede
Inatsisartunut ilaasortaq
Inatsisartut
/MAANI

INDGÅET

9 0 MAR. 2015

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

§ 37 naapertorlugu apeqqut nr. 2015-047-imut akissut

05-03-2015
Suliap normua. 2015-112060
All. nr. 1890204

Inatsisartut suleriaasianni § 37, imm. 1 naapertorlugu aalisarneq pillugu
Naalakkersuisunut apeqquteqarsimavutit. Apeqqutit uannut akisassanngorlugit
innersuunneqarsimapput.

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apnn@nanoq.gl
www.naalakkersuisut.gl

Apeqqutit:

1. Nuussuarmi aalisakkanik tunitsiviup uninnganera naalakkersuisut qanoq
iliuuseqarfiginiarpaat?
2. Nuussuarmi aalisartut ilaqutaasalu atugaannut pitsaanngitsumik
anigaasaqarnikkut sunniuteqarpoq tunitsiviup erngup aqquaanik
ajutooqqanerata nalaani matoqqammat. Naalakkersuisut
iliuserineqarsinnaasunik aaqqiigallarnissamulluunniit suut iliuseriniarpaat?
3. Pikkorissaanerit imaluunniit inuit Nuussuarmi anigaasaqarnermikkut
ajutoorluinnannginnissaat siunertaralugu naalakkersuisut iliuuseqarnermikkut
nuussuarmi inuit ikiorsernissaannik siunertaqarpat?
4. Nuussuarmi unittoorluinnaqqasoqarmat inuit aalisartullu inuuniarnermikkut
oqjilisaanneqarnissaat, imaluunniit tunisassiorfiup piaartumik ammarneqarnissaa
siunertaralugu naalakkersuisut iliuuseqarnissaminnik
neriorsuuteqarsinnaappat?

Akissut:

1-imut)

Nuussuarmi aalisakkanut suliffissuarmut matoqqasumut tunngatillugu apeqqut 2-mut
akissutit innersuussutigissavakka. Illassutit erseqqissaatigissavara Naalakkersuisut
qaqugukkulluunniit sulissutigisussaammassuk innuttaasut tamarmik nammineq
pilersorsinnaallutillu aningaasarsiorsinnaanissaminnut naammaginantumik
atuagassaqartinneqarnissaat – apeqqutaatinnagu sumi najugaqarneq. Taamaattumik
Naalakkersuisunit pingaartinneqarpoq Kalaallit Nunaanni inuussutissarsiutit
pingaarnersaani - aalisarnermi - suliffiit pioreersut attatiinnarneqarnissaat. Tamanna
ilaatigut qulakkeerneqarsinnaavoq sineriammi naammaginantumik
tunitsivissaqartitsinikkut.

2-mut)

Nuussuaq suliffissuaq januarimili matoqqasimavoq, massakkullu erngup aqquataata
iluarsarneqarnissaa sulissutigineqarpoq Royal Greenland Nuussuarlu naatsorsuutigaa
suliffissuaq martsip ingerlanerani ammaqjissinnaassasoq. Royal Greenlandip
ilanngullugu nalunaarutigaa Nuussuarmi suliffissuarmi nalinginnaasumik inuit pingasut

sulisorineqartartut. Taamaattoq ulapiffiup nalaanni sulisut tallimat angullugit sulisorineqarsinnaasarput. Ulloq 5. marts inuit 9-t Nuussuarmi suliffissaaleqisutut nalunaarsorneqarsimapput. Inuit suliffigisamik matuneqarnerata kingunerisaanik suliffissaaleqilersimasut maleruagassat atuuttut naapertorlugit sapaatip akunnerini 13-ini suliffissaaleqinermi ikiorsiissutinik pisartagaqarsinnaatitaapput. Kullorsuarmi suliffissuarmut nalunaarutigineqarpoq qimussit qamuteralaallu 27-t Nuussuarmeersut massakkut Kullorsuarmut tulaassisartut.

3-mut)

Qaasuitsup Kommuniata kissaatigisimavaa martsip qiteqqunneranit Nuussuarmi makku pikkorissaatigalugit pikkorissartitsisoqarnissaa: Ikiueqqaarneq, VHF-radiop atornissaanut pikkorissarneq kiisalu angerlarsimaffimmi ikiortit pikkorissartinneqarnissaat. Pikkorissaatigineqartussatut kissaatigineqartut massakkut pilersaarusioneqaleruttorput. Pikkorissaatigineqartussatut kissaatigineqartut sorliit ingerlanneqarsinnaaneri aammalu qanoq ilinerani ingerlanneqarsinnaaneri eqqarsaatigalugit pikkorissaasinnaasunit akissutissat utaqqineqarput.

4)-mut

Nuussuarmi ajornartorsiutaasut aaqinneqarsinnaanissaat taamaalilluni Naalackersuisunit sulissutigineqarpoq. Tamatuma saniatigut apeqqutinut 2-mut aamma 3-mut akissutigisakka siuliani atuarneqarsinnaasut innersuussutigissavakka.

Inussiarnersumik inuulluaqqusillunga
Med venlig hilsen

Karl-Kristian Kruse